

大事記

附通釋
解題

一



此據金華叢書
排印初編各叢書
僅有此本

大事記原序

司馬子長年表大事記。蓋古策書遺法。獲麟以上。既見於春秋經。周敬王三十九年以下。今采左氏傳。歷代史。邵康節先生皇極經世。司馬文正公稽古錄。資治通鑑目錄。舉要歷輯而廣之。意所未安。參稽百代。頗爲增損。書法視太史公所錄。不盡用策書凡例云。起春秋。後訖於五代。分爲若干卷。通釋若干卷。解題若干卷。合若干卷。淳熙七年正月一日東萊呂祖謙伯恭序。

大事記序

或有問於余曰。漢儒重史學。宋儒重理學。然則漢無理學。宋無史學歟。余曰。非也。史學盛於漢。而明理學者有董江都。理學昌於宋。而通史學者有呂成公。安見漢無理學。而宋無史學乎。成公著大事記十二卷。始周敬王三十九年。訖漢武帝征和三年。其書法皆取則于太史氏。復採羣書以發其凡。通釋三卷。若網若綱。有條不紊。而要義格言。悉原經典。擇精而語詳。非漫無根據者比。解題十二卷。如春秋之有經。而參以左氏之傳。舉凡史漢異同。與通鑑之得失。靡不參以己見。而明辨之。故朱子語錄。稱成公論史之精密。有非漢儒所能及者。嗚呼。可貴也已。是書爲徐小雲比部購于廠肆。辛未春間寄鄂。余重鉅之。以見宋時講學。惟成公兼通史傳。蓋不徒以理學開八閤之先也。是書外如東漢精華。十七史詳節。皆成公著。以卷帙浩繁。未能遽授梓人。姑俟異日焉。同治十二年癸酉三月。永康後學胡鳳丹月樵甫謹序。

大事記卷一

宋呂祖謙撰

郡後學胡鳳丹月樵校梓

庚申周敬王可三十九年。魯哀公十四年。齊閔公十四年。晉定公三十二年。秦懷公十年。楚惠王八年。宋景公十五年。並史記年表。衛出公輒十二年。陳湣公越二十一年。秦成侯期十年。鄭聲公勝二十

年。魯獻公十二年。吳王夫差十五年。並史記年表。

春魯人獲麟孔子作春秋。禮古錄。

夏四月齊陳恆與闔止爭政殺止遂執簡公置於舒州。以左氏傳。魯史修。

五月庚申朔日有食之。魯史。

宋向魋謀弑景公不克入於曹以叛。以魯史。左傳修。

莒郊公狂薨。通鑑外紀。

六月宋向魋自曹出奔衛。魯史。

齊陳恆弑簡公於舒州立簡公弟鼯而相之遂專國權孔子沐浴朝魯哀公請討之不果從。以魯史。史記年表。論撰修。

冬有星孛。魯史。

魯饑。外紀。

周敬王四十年。魯哀公十五年。齊平公駕元年。晉定公三十二年。宋景公三十七年。衛莊公剌頃元年。

夏五月，齊高無平出奔北燕。魯史。

秋，晉趙鞅帥師伐衛。魯史。

冬，魯及齊平。子服回如齊，端木賜爲介。齊歸魯侵地。以魯史、左傳、史記年表修。

閏十二月，衛太子蒯瞶自戚歸於衛。衛出公輒出奔魯。以杜預釋例、左傳修。

葵癸守心。宋景公憂之。司星子韋曰：「可移。」景公不可。以史記年表、世家修。

周敬王四十一年。魯哀公十六年。楚惠王十年。衛莊公二十三年。陳湣公二十三年。宋景公三十八年。

春二月，衛公子還成出奔宋。魯史。

夏四月，孔子卒。以魯史、左傳修。

六月，衛孔悝出奔宋。左傳。

秋七月，楚白公、公孫勝殺令尹公子申、司馬公子結，執楚子，置於高府。以左傳修。

陳人侵楚。左傳。

楚葉公沈諸梁率方城外人討公孫勝，誅之，迎楚子復位。以左傳、禮古錄、皇極經世修。

衛太叔遺奔晉。以左傳修。

周敬王四十二年

魯哀公十七年·齊平公三年·晉道公三十四年·楚惠王十一年·衛莊公三年·陳湣公二十四年·吳王十八年

春衛太子疾殺渾良夫

稽古錄

三月越子伐吳吳子禦之笠澤吳師敗績

以左傳修

夏六月晉趙鞅圍衛齊國觀陳陳瑋救衛晉師還

以左傳修

秋七月己卯楚公孫朝帥師滅陳

以左傳修

冬十月晉趙鞅復伐衛衛人出莊公而興晉平晉立公孫般師而還

以左傳修

十一月衛莊公歸於衛般師出石圃作亂莊公死於戎州己氏衛人復公孫般師而立之

以左傳修

十二月齊人伐衛立公子起執般師以歸

以左傳修

魯哀公會齊平公盟于蒙

以左傳修

甲子周敬王四十三年

魯哀公十八年·齊平公四年·秦悼公十四年·宋景公四十年·衛侯起元年

春宋殺右師皇瑗

以稽古錄修

楚公孫寧敗巴師于鄧

以稽古錄修

夏衛石圃逐其君起起奔齊公自齊復歸逐石圃

以左傳修

齊陳恆殺鮑氏晏氏及公族之強者割齊安平以東至琅瑯爲封邑

以史記世家修

大事記 卷一

秦悼公薨，子厲共公立。以史記年表世家修。

周敬王四十四年。秦厲公元年，楚惠王十三年，衛出公後元年，吳王二十年。

春，越人侵楚。左傳。

夏，楚公子慶公孫寬追越師不及。左傳。

秋，楚沈諸梁伐東夷，三夷男女及楚師盟于敖。左傳。

王崩，太子仁嗣位，是爲元王。以左傳、皇極經世修。

吳伐楚。史記年表。

周元王元年。魯哀公二十年，齊平公六年，晉定公三十七年，鄭穆公二十六年，吳王二十二年。

夏，齊人、魯人、鄭人會於廩丘謀伐晉。以稽古錄、左傳修。

冬，吳子殺公子慶忌。以左傳修。

十一月，越圍吳。左傳。

晉定公薨，子出公錯立。趙鞅降三年之喪爲期。以史記世家年表修。

晉趙簡子卒。以左傳修。

晉趙無忌滅代。以史記、稽古史修。

蜀人聘秦。以史記年表修。

晉荀瑤伐鄭，取九邑。以史記世家修。

周元王二年。晉哀公二十一年，齊平公七年，晉出公銷元年。

夏五月，越人聘魯，始通使於上國。以左傳、穀古錄修。

秋八月，齊平公、魯哀公、邾桓公盟于鄆。以左傳修。

周元王三年。晉哀公二十二年，齊平公八年，晉出公二年，楚惠王十六年，宋景公四十四年，吳王夫差二十二年。

夏四月，越人納邾隱公于邾，邾桓公奔越。以左傳、穀古錄修。

冬十一月丁卯，越滅吳，吳子夫差自殺。以左傳修。

越子會稽、晉諸侯于徐州。以史記世家、皇極經世修。

越人致貢，賜越子胥命爲伯。以史記世家修。

越以江北地至泗上與楚，以泗東地與魯，歸吳所侵宋地。以史記世家修。

越范蠡辭祿，遊五湖。以皇極經世修。

越子殺大夫文種。以史記世家、皇極經世修。

隕石于晉。外紀。

周元王四年。魯哀公二十三年。齊平公九年。晉出公三年。秦厲共公五年。楚惠王十七年。蔡成侯十九年。

夏六月。晉荀瑤伐齊。敗齊高無平于黎丘。以穆古錄修。

秋八月。魯叔青如越。越諸鞅聘魯。以左傳錄修。

蔡成侯薨。子聲侯產立。以史記世家錄修。

楚人聘秦。以史記年表錄修。

周元王五年。魯哀公二十四年。齊平公十年。晉出公四年。秦厲共公六年。蔡成侯元年。

夏四月。晉出公及魯臧石伐齊。取廩丘。以左傳古錄修。

越人執邾子以歸。立公子何。以左傳錄修。

魯哀公以公子荆之母爲夫人。以玁爲太子。以左傳古錄修。

閏四月。魯哀公朝于越。越將妻公季孫肥。使因太宰嚭納賂。乃止。以杜預傳左傳錄修。

義渠聘秦。以史記年表錄修。

杞公子闕路弑湣公自立。以世家錄修。

周元王六年。宋景公四十七年。衛出公發七年。

夏五月庚辰。衛褚師比及諸大夫逐出公。出公奔宋。以左傳古錄修。

彗星見。以史記年表修。

周元王七年。得哀公二十六年，齊平公十二年，晉出公六年，宋景公四十八年，衛出公後八年。

夏五月，越臯如后庸，宋樂茂、魯叔孫舒伐衛，納出公。越人受賂，不克納師還。立莊公之弟黜，實悼公。以左傳、古錄修。

冬十月，宋景公薨，景公無子，取元公會庶孫得，與啓、畜諸公宮。大尹矯命立啓，六卿逐啓，及大尹而立得。

以左傳、古錄修。

王崩，太子介嗣位，是爲貞定。以史記本紀、稽古錄、皇極經世修。

晉荀瑤城宅陽。以水經注修。

周貞定王元年。魯哀公二十七年，齊平公十三年，晉出公七年，宋昭公得元年，衛悼公烈元年，鄭釐公三十二年。

春，越子使后庸聘魯，且言歸駘上之田於邾。二月，魯哀公及越后庸盟于平陽。以左傳修。

夏四月，魯季康子卒。左傳。

晉荀瑤帥師伐鄭，次于桐丘。齊陳恆帥師救之，晉師乃還。以左傳修。

秋八月，魯哀公將以越伐魯，而去三桓。甲戌，出奔越。魯人立其子悼公寧。以左傳、稽古錄修。

甲戌，周貞定王二年。魯悼公寧元年。

彗星見。史記年表。

周貞定王三年。晉出公九年。

晉地震。以外紀錄。

周貞定王四年。

燕獻公薨。子孝公立。史記世家。

周貞定王五年。晉出公十一年。鄭襄公三十七年。燕襄公元年。

晉荀瑤、趙無恤帥師圍鄭荀瑤、恥趙無恤無恤由是甚瑤。以左傳、古錄修。

周貞定王六年。晉出公十二年。秦厲共公十四年。楚惠王二十六年。鄭襄公三十八年。

晉人楚人聘秦。以史記年表錄。

鄭聲公薨。子哀公易立。以年表錄。

晉河絕于扈。外紀。

周貞定王七年。鄭哀公易元年。

周貞定王八年。秦厲共公十六年。

秦伐大荔。取其王城。以史記本紀錄。

杞哀公薨，湣公子出公敕立。以世家修。

周貞定王九年。

周貞定王十年。

周貞定王十一年。魯悼公十年，齊平公二十三年，晉出公十七年。

晉荀瑤與趙氏、韓氏、魏氏分范中行氏之地，以爲己邑。出公告齊，魯欲伐四卿。四卿反攻出公，出公奔齊。道死。荀瑤立昭公曾孫驕。國事皆決於瑤。以史記世家，釋古錄修。

晉荀瑤滅夙絲。以外紀修。

甲申，周貞定王十二年。晉出公十八年，蔡聲侯十五年。

蔡聲侯薨，子元侯立。以年表修。

晉荀瑤襲衛。以古史、戰國策修。

晉三卿宴于藍臺，荀瑤戲韓虎，而侮韓氏之相段規。以釋古錄修。

晉河水赤三日。外紀。

周貞定王十三年。齊平公二十五年，晉哀公驕元年，秦厲共公二十一年，蔡元侯元年。

晉取秦武城。以史記本紀修。

齊平公薨，子宣公積立。田成子卒，子盤立。以史記世家修。

周貞定王十四年。齊宣公積元年，鄭襄公八年。

鄭人弑哀公，立驪公之弟丑。世家。

周貞定王十五年。鄭共公丑元年。

周貞定王十六年。齊宣公四年，齊宣公三年。

晉荀瑤、與魏駒、韓虎、圍趙無恤于晉陽。無恤使其臣張孟談、約韓、魏、攻荀瑤滅之，三分其地。張孟談辭趙

氏，耕於負親之丘。以史記年表，世家修。

齊田盤使其宗人盡爲齊都邑大夫，與三晉通使。以史記世家修。

晉趙氏使藉稚穀伐狄，取左人中人。以國語，列子外紀修。

周貞定王十七年。晉哀公五年，秦厲共公二十五年。

晉知開奔秦。以史記年表修。

周貞定王十八年。秦左庶長二十六年，衛悼公十八年，蔡元侯六年。

秦左庶長城南鄭。以年表修。

衛悼公薨，子敬公弗立。以古史，史記世家修。

蔡元侯薨。子齊立。以世家修。

周貞定王十九年。衛敬公薨元年。襄侯齊元年。肅孝公十五年。

燕孝公薨。子成公立。以世家修。

周貞定王二十年。秦厲共公二十八年。燕成公元年。

越人迎女於秦。以史記年表修。

杞出公薨。子簡公春立。以世家修。

周貞定王二十一年。晉哀公九年。秦厲共公二十九年。

晉知寬奔秦。以史記年表修。

甲午。周貞定王二十二年。楚惠王四十二年。秦侯齊四年。

楚滅蔡。以史記年表修。

周貞定王二十三年。

周貞定王二十四年。秦厲共公三十二年。楚惠王四十四年。

楚滅杞。以史記年表修。

楚興秦平。以史記世家修。

周貞定王二十五年秦厲共公三十三年

秦伐義渠，執其君以歸。以史記年表、
皇極經世修。

周貞定王二十六年秦厲共公三十四年

日有食之。以史記年表修。

秦畫晦，星見。以史記年表修。

秦厲共公薨，子躁公立。以史記本紀修。

周貞定王二十七年秦躁公二年

周貞定王二十八年秦躁公三年

王崩，長子去疾立，是爲哀王。立二月，弟叔弑哀王而自立，是爲思王。立五月，弟嵬弑思王而自立，是爲考

王。以史記本紀修。

考王封其弟揭於河南，以續周公之職，是爲河南桓公。以稽古錄修。

秦南鄭反。以稽古錄修。

周考王元年

周考王二年晉哀公十八年

晉哀公薨。子幽公柳立。以世家修。

周考王三年。

甲辰。周考王四年。晉幽公柳元年。

晉幽公反朝韓、趙、魏。公室獨有絳、曲沃。餘皆入三晉。以史記世家修。

周考王五年。

周考王六年。秦繡公八年。

六月。秦雨雪。以史記年表修。

日有食之。以史記年表修。

周考王七年。燕成公十六年。

燕成公薨。子湣公立。以史記世家修。

周考王八年。秦繡公十年。燕湣公元年。

彗星見。以秦紀本紀、秦紀修。

周考王九年。楚威王五十七年。衛敬公十九年。

楚子薨。子中立立。以史記世家修。